



TERENGGANU DARUL IMAN

TAMBAHAN PERUNDANGAN

AKTA KERAJAAN TEMPATAN 1976

Tr. P.U. 19/90

**UNDANG-UNDANG KECIL KERAJAAN TEMPATAN
(IKLAN PILIHANRAYA) MAJLIS DAERAH DUNGUN 1990**

Tarikh penyiaran :

30 Ogos 1990

Tarikh mula berkuatkuasa :

1 September 1990

SUSUNAN UNDANG-UNDANG KECIL

Mukadimah

Undang-undang kecil 1. Nama dan pemakaian.

Undang-undang kecil 2. Tafsiran.

Undang-undang kecil 3. Larangan ke atas pameran iklan pilihanraya.

Undang-undang kecil 4. Permohonan untuk permit.

Undang-undang kecil 5. Bentuk dan jangka masa permit.

Undang-undang kecil 6. Daftar permit.

Undang-undang kecil 7. Pengalihan iklan pilihanraya selepas hari mengundi.

Undang-undang kecil 8. Pengalihan iklan pilihanraya oleh Yang Dipertua.

Undang-undang kecil 9. Perlucutakhkan deposit.

Undang-undang kecil 10. Cara mempamerkan iklan pilihanraya.

Undang-undang kecil 11. Larangan terhadap mempamerkan iklan pilihanraya di tempat-tempat tertentu.

Undang-undang kecil 12. Kesalahan dan penalti am.

JADUAL I

JADUAL II

Mukadimah

Pada menjalankan kuasa-kuasa yang diberikan oleh Seksyen 102 Akta Kerajaan Tempatan 1976 [*Akta 171*], Yang Dipertua Majlis Daerah Dungun membuat, dan menurut seksyen 103 Akta tersebut Pihak Berkuasa Negeri mengesahkan, undang-undang kecil yang berikut:

1. Nama, pemakaian dan mula berkuatkuasa.

(1) Undang-undang kecil ini bolehlah dinamakan **Undang-Undang Kecil Kerajaan Tempatan (Iklan Pilihanraya) (Majlis Daerah Dungun) 1990** dan hendaklah mulai berkuatkuasa pada 1 September, 1990.

(2) Undang-undang kecil ini hendaklah terpakai bagi Majlis Daerah Dungun sahaja.

2. Tafsiran

Dalam undang-undang kecil ini melainkan jika konteksnya menghendaki makna yang lain:

“Yang Dipertua” erti Yang Dipertua Majlis Daerah Dungun dan termsuk Timbalan Yang Dipertua.

“hari mengundi”, berhubung dengan sesuatu pilihanraya, erti hari yang ditentukan dalam writ bagi pilihanraya itu untuk pengundian dilakukan;

“iklan pilihanraya” erti apa-apa bendera, merual, tetunggul, panji-panji cogan kata, poster atau label yang dipamerkan sebagai atau bagi maksud diayah politik;

“parti politik” mempunyai erti yang sama seperti dalam Akta Pertubuhan 1966 [*Akta 335*];

“Permit” erti permit untuk mempamerkan iklan pilihanraya yang dikeluarkan di bawah undang-undang kecil 4;

“pilihanraya” erti suatu pilihanraya bagi memilih seorang Ahli Dewan Rakyat atau Ahli Dewan Undangan Negeri;

“writ” erti suatu pilihanraya yang dikeluarkan dibawah seksyen 12 Akta Pilihanraya 1958 [*Akta 19*].

3. Larangan ke atas pameran iklan pilihanraya.

Tiada seorang pun boleh mempamerkan atau menyebabkan dipamerkan apa-apa iklan pilihanraya di mana-mana lebuh atau tempat kecuali di bawah dan mengikut permit yang dikeluarkan oleh Yang Dipertua.

4. Permohonan untuk permit.

(1) Sesuatu permohonan untuk permit bagi mempamerkan apa-apa iklan pilihanraya hendaklah dibuat kepada Yang Diperua.

(a) oleh parti politik yang berhasrat untuk meletakkan calon dalam bahagian pilihanraya berkenaan; atau

(b) jika orang yang akan bertanding dalam pilihanraya itu tidak mempunyai gabungan polotik, olrh orang itu sendiri.

(2) Sesuatu permohonan di bawah perenggan(1) hendaklah dibuat dalam borang yang diperuntukkan di Jadual 1 kepada undang-undang kecil ini atau dalam apa-apa bentuk yang ditentukan oleh Yang Dipertua, dari masa ke semasa yang difikirkannya perlu.

(3) Apabila menerima permohonan itu, Yang Dipertua hendaklah, atas pembayaran jumlah wang sebanyak lima puluh ringgit sebagai deposit bagi pematuhan syarat-syarat permit dan peruntukan-peruntukan undang-undang kecil ini, mengeluarkan kepada pemohon suatu permit dalam bentuk yang diperuntukkan di Jadual II bagi mempamerkan iklan pilihanraya dalam kawasan-kawasan yang dinyatakan dalam permit.

(4) Yang Dipertua boleh melampirkan, pada mana-mana permit yang dikeluarkan dibawah perenggan (3), apa-apa syarat yang difikirkannya patut dikenakan.

(5) Pemegang permit hendaklah mematuhi segala syarat yang dilampirkan pada permit itu.

5. Bentuk dan jangkamasa permit.

Suatu permit yang dikeluarkan dibawah undang-undang kecil 4 hendaklah dalam apa-apa bentuk yang ditentukan oleh Yang Dipertua dan hendaklah habis tempohnya pada hari yang berikut hari mengundi.

6. Daftar permit.

Yang dipertua hendaklah menyebabkan disimpan dan disenggarakan dalam apa-apa bentuk dan mengikut apa-apa cara yang ditentukannya, suatu daftar bagi segala permit yang dikeluarkan di bawah undang-undang kecil 4.

7. Pengalihan iklan pilihanraya selepas hari mengundi.

Tiap-tiap pemegang permit hendaklah, dalam masa empat belas hari selepas hari mengundi, mengalihkan segala iklan pilihanraya yang dipamerkan dan segala papan tanda atau struktur lain yang didirikan olehnya.

8. Pengalihan iklan pilihanraya oleh Yang Dipertua.

(1) Yang Dipertua boleh mengalihkan apa-apa iklan pilihanraya atau apa-apa papan tanda atau struktur lain yang didirikan bagi maksud mempamerkan iklan pilihanraya itu jika:

- (a) pemegang permit gagal mematuhi kehendak-kehendak undang-undang kecil 7 ; atau
- (b) dia berpuas hati bahawa iklan pilihanraya itu dipamerkan tanpa permit.

(2) Segala perbelanjaan yang dilakukan oleh Yang Dipertua dalam menjalankan kuasa-kuasa yang diberikan oleh perenggan (1) hendaklah disifatkan sebagai hutang yang kena dibayar kepada Yang Dipertua oleh pemegang permit atau, jika iklan pilihanraya itu dipamerkan tanpa permit, oleh orang yang menyebabkan iklan pilihanraya itu dipamerkan sedemikian, dan bolehlah didapatkan kembali dalam mahkamah dengan sewajarnya.

9. Perlucuthakkan deposit.

(1) Tanpa menjelaskan peruntukan-peruntukan lain dalam undang-undang kecil ini, jika;

- (a) terdapat suatu perlanggaran apa-apa syarat permit; atau

- (b) terdapat apa-apa perlanggaran atau ketakpatuhan mana-mana peruntukan undang-undang kecil ini;

Yang Dipertua hendaklah melucutahkan deposit yang dibayar di bawah undang-undang kecil 4 jika, selepas memberikan pemegang permit suatu peluang untuk didengar, dia gagal memuaskan hati yang Dipertua tentang kenapa deposit itu tidak sepatutnya dilucutahkan.

(2) Apa-apa deposit yang tidak dilucutahkan di bawah perenggan (1) hendaklah dikembalikan kepada pemegang permit tanpa apa-apa faedah selepas empat belas hari dari masa habisnya tempoh permit itu.

10. Cara mempamerkan iklan pilihanraya.

(1) Suatu iklan pilihanraya hendaklah dipamerkan mengikut mana-mana cara yang berikut sahaja:

- (a) dengan melekatkannya pada suatu papan tanda atau struktur lain yang didirikan atau diletakkan oleh pemegang permit;
- (b) dengan menggantungkan iklan pilihanraya itu di sepanjang mana-mana lebuh, pada pancang-pancang yang didirikan oleh pemegang permit.
- (c) Dengan menanam penopang iklan pilihanraya itu ke dalam mana-mana paras tanah selain daripada laluan jalan kaki yang diubinkan atau kaki lima; atau
- (d) Dengan apa-apa cara lain yang sebagaimana yang dinyatakan oleh Yang Dipertua dalam permit.

11. Larangan terhadap mempamerkan iklan pilihanraya di tempat-tempat tertentu.

Walau apa pun apa-apa peruntukan lain dalam undang-undang kecil ini tiada seorang pun boleh:

- (a) mempamerkan apa-apa iklan pilihanraya atau membina atau mendirikan apa-apa papan tanda atau struktur lain mengikut apa-apa cara sehingga ia meliputi atau melindungi apa-apa isyarat lalulintas, tanda arahan atau lampu perhiasan;
- (b) mempamerkan apa-apa iklan pilihanraya atau atau merintangi mana-mana lebuh;

atau

- (c) mempamerkan apa-apa iklan pilihanraya pada mana-mana bangunan awam atau struktur lain dengan menggunakan paku, gam atau pelekat lain, atau dengan apa-apa cara lain yang akan merosakkan atau mencacatkan permukaan bangunan atau struktur itu.

12. Kesalahan dan penalti am.

Mana-mana orang yang melanggar atau gagal mematuhi mana-mana peruntukan undang-undang kecil ini adalah melakukan suatu kesalahan di bawah undang-undang kecil ini dan boleh dikenakan, apabila disabit, denda tidak melebihi dua ribu ringgit.

JADUAL I

UNDANG-UNDANG KECIL KERAJAAN TEMPATAN
(IKLAN PILIHANRAYA) (MAJLIS DAERAH DUNGUN)
1990

BORANG PERMOHONAN
(Undang-undang Kecil 4 (2))

Yang Dipertua
Majlis Daerah Dungun.

Tuan,

* Kami / Saya
(Nama penuh dengan huruf besar)

Beralamat /

Saya (orang yang tiada gabungan dengan mana-mana parti politik)

.....
(Nama penuh dengan huruf besar)

No. K.P. : beralamat memohon
mendapat permit untuk mempamerkan iklan pilihanraya di bawah undang-undang kecil
4 Undang-undang Kecil Kerajaan Tempatan, Majlis Daerah Dungun.

2. Jenis iklan

.....
Dipamerkan dengan cara

.....
Dikawasan

3. Kami/saya lampirkan wang sebanyak lima puluh ringgit sebagai deposit bagi
pematuhan syarat-syarat permit dan peruntukan undang-undang kecil tersebut.

Tarikh:

.....
Tandatangan Pemohon

JADUAL II

(Undang-undang Kecil 4 (3))

PERMIT IKLAN PILIHANRAYA

No. Permit: Rujukan Fail:

Nama:

Alamat:

Adalah dibenarkan oleh Yang Dipertua Majlis Daerah Dungun untuk mempamerkan iklan / iklan-iklan pilihanraya berikut:

- (1)
- (2)
- (3)
- (4)

Dengan cara

.....

Di kawasan-kawasan berikut:

- (1)
- (2)
- (3)
- (4)

Permit ini adalah berkuatkuasa sehingga hari yang berikutnya hari mengundi, tertakluk kepada syarat-syarat berikut:

- (1)
- (2)
- (3)
- (4)

Bertarikh

haribulan

19 .